

Na osnovu člana 18. stav 3. Zakona o principima lokalne samouprave ( "Službene novine FBiH" broj 49/06 i 51/09 ) člana 11. Privremene Statutarne Odluke Grada Srebrenik ("Službeni glasnik Grada Srebrenik" br. 1/19) i Odluke o proglašenju budžeta Grada Srebrenik za 2020. godinu („Službeni glasnik Grada Srebrenik“, br. 3/20) , gradonačelnik donosi:

## O D L U K U

o raspisivanju Javnog poziva za finansiranje biznisa za marginalizirane grupe žena

### I

Grad Srebrenik će raspisati Javni poziv za finansiranje biznisa za marginalizirane grupe žena na temelju Preduzetničkog fonda za žene nastalog udruženim sredstvima Grada i USAID-ovog Programa podrške marginaliziranim grupama (PPMG).

Sredstva za realizaciju po ovom programu obezbijedena su na budžetskoj poziciji 615311-10 Učešće grada u projektima na implementaciji Strategije razvoja Općine Srebrenik, kao i na pozicijama USAID/PPMG namijenjenih za realizaciju ovog programa.

Ukupan iznos udruženih sredstava namijenjenih za realizaciju ovog programa je 50.000,00 KM.

Javni poziv se raspisuje za podršku razvoju mikro, malih i srednjih preduzeća, osnivanju obrta i trgovačkih radnji koje su usmjerene na promociju domaćih proizvoda u turističke svrhe, žena žrtava nasilja, samohranih majki, nezaposlenih mladih žena mlađih od 35 godina, žena s invaliditetom ili s djetetom s invaliditetom, te žena koje su na neki drugi način marginalizirane.

### II

Javni poziv se objavljuje u Službenom glasniku Grada, na oglasnoj ploči i službenoj web-stranici Grada.

### III

Javni poziv bit će otvoren 45 dana nakon dana objavljivanja na službenoj web stranici Grada.

### IV

Javni poziv sadrži opće i posebne uvjete, spisak dokumenata koji se prilažu uz prijavu, postupak ocjenjivanja i utvrđivanja rang-liste najuspješnijih kandidatkinja.

### V

Ova odluka stupa na snagu odmah.

Grad Srebrenik  
Broj: 07- 590 /20  
Datum: 12.06.2020.g.

GRADONAČELNIK:  
Dr. sci. Nihad Omerović, s.r.